

聖宋名賢五百家播芳大全文粹卷二十二

賀啓

太守

賀蔣守啓

王介甫

伏審拜命徽章陞榮北省伏惟慶慰竊以上大夫為
 內諫漢擢忠良府學士統要藩唐稱優顯迨宋兼任
 非賢不居恭惟 某官天與粹溫岳儲靈哲夙抱經
 濟游天子之彤庭首見推明為士林之高選斷直躬
 以自處仗大節而不回名動一朝官歷兩省望之補
 外理固非宜陽城拜官賀者甚衆上方圖任久有召
 書某展慶未遑抃心竊倍願言沈冗將幸埽陶依載

所深翰墨難致

賀張守啓

熊子復

伏以五馬經塗比歎燦花之論雙魚遣翰載披麗藻
之詞審肇布于教條宜茂膺于福履伏惟知府賢
文受才傑異造理精微碩德瑞世時若星鳳之始見瑰
文邁俗豈龍驥之能追早進列于朝紳亟出持于使
節有功見知則悅寵既辨于召環非道不敢以陳對
果前于釐席寓西清之近職殿南紀之舊封庭戶初
修已達湖山之千里方國是賜伫膺書札之十行論
思歸潤于本朝功烈用光于先世某未諧祠廩猶玷

籓麾尺絨聊附于回翔寸抱第增于搖曳

賀辛守啓

宋文淵

伏審寵膺中詔益峻近班再領舊麾追還移命喧道
途而載頌溢朝野以騰歡伏惟慶慰恭以某官學
探聖賢之微識造天人之蘊仁而能斷裁萬事于笑
談知以不苛鎮百城而偃息揚名當代藹譽本朝進
崇文閣之華益見上心之注右雄秦嶺外距邊陸付
之股肱倚為屏翰黠羌千帳一藉其威聲虎士萬群
咸聽于號令能寬西顧允屬巨人行聞召節之趨入
奉凝旒之對如魏相以荐居洛邑黃霸之再守潁川

咸以功庸登為輔弼某退惟儻質辱在下僚但靴屨
以趨風徒簡牘而奏記忻愉併集敷叙奚彈伏乞上
為邦家自衛典興息

賀李守啓

史鴻漸

省戶握蘭共仰四仙山之名勝使符剖竹來臨三近
古之鄉邦方熊軾之載憑已蟄頤之增重斯文甚幸
吾道有光恭惟 某官柱下該通龍門深眷探中
庸大學之秘時露端倪窮先天太極之微發為論議
世仰西南之二李名叅嘉祐之三蘇百年今見于幾
人賸馥多沾于後學毫端飛動豈徒渴驥而怒貌文

焯推高但覺回牛而守虎蓋常掌邦典以佐太史抑
又作進學以誨諸生自宜草天書于槐龍舞翠之間
何乃把一麾于竹馬郊迎之際諒以經術而飾吏事
必漢名儒故知岳牧而用詞人由唐第虞舊典未煖之
席已賜追鋒之車某起魯諸生游鄭鄉校盡誦歐陽
公而夢見幼識范文正公為天人屬因叱馭而來遂
喜摳衣之願從餘杭而講論竊嘗慕少章之賢歌京
兆之平反行用繼蘇州之什

賀趙守啓

趙公迥

恩隆榮鳳檢據千騎之上頭信合虎符總六龍之潛邸

載頌新政書識故候恭惟 判府吏部龍圖玉樹臨
 風水壺射日青綾錦帳早陞郎省之華紅旆珠幢游
 領師垣之重惟不容然後見君子非難進無以為大
 臣斷由中宸之知府以上流之寄惠享千里聿歌鴻
 雁之詩威著 三軍坐肅貔貅之令式眷建安之舊
 鎮再煩郭伋之重來與粉蔭以相連蔽棠陰而未改
 詔令趣駕上深輅以宵衣祭遂過家君何殊于晝錦
 靡容黔突亟拜紫泥其一別英標五周歲籥倚鄭國
 猶外府孰如同姓之親視忠州為故人願借餘光之
 及永言欣抃莫既敷宣

賀趙守啓

高文規

錦帳名郎開潛藩而載鎮青衫下吏服獄掾以來趨
 一新前日之教條行快平生之瞻覩敬陳尺素以展
 寸誠竊以州縣之勞莫先狴犴之重捶楚何求弗獲
 古人以折獄為難刑戮不可復生君子以盡心為訓
 是以不及兩辭之聽必歸五過之疵故列國之際取
 淑問如前修三代以還推陰功以後裔漢東都以決
 曹而歸重唐名士多法掾之屑為惟國朝專務于寬
 仁顧刑獄尤加于欽恤以謂刑以裁姦而法既多其
 出入罪麗于法而情或失于重輕遂創掾僚特專推

鞠不必都府劇者乃置二人至于重囚疑則仍容覆
讞然或胥史蔽欺則未懲宿弊權勢枉撓則轉失初
情故興國勅書列郡務更其罷軟至天申詔旨銓曹
並選其強明要在不吐剛而茹柔所以為明罰而飭
法矧此連溪之巨屏實為今日之价藩地大物夥而
民訟固煩目見耳聞而人情喜鬪又乃走集之境尤
叢椎剽之姦念總總而生林林而群雖云多辟倘穆
穆在上明明在下自曰不_不究庶辟列曹少寬吏責茲
蓋伏遇判府龍圖吏部生民先覺命世全才黼黻文
章秀分河漢之派珩璜珪璧蔚為宗廟之英遂簡上
心寢登華貫忠言嘉謨動膝前之眷崇論閎議興見
晚之嗟光燦筭班芳生蘭省專闡邊甸草木尚識其
威名分鎮上游江漢早思于遺愛既蜚聲而騰實乃
更治以考功蓋朝廷已深知弱翁察潁川當復臨黃
霸憇棠勿翦方思南國之教明騎竹紛迎爭喜舊侯
之約信撫_接昔時之父老布宣春日之詔書御衆惟
寬齊民以禮將見人重抵罪比屋化為善良物各厚
生園扉可臻虛曠某木強不慧椎鈍無奇平昔之訓
非在九章黜勉之勞實在_存三釜斂叅軍之板敢夷望
于西山為會府之僚輒濫吹于南郭蓋念黃卷已廢

丹筆行親不學之留昌嘗斷斯獄矣投誠于上必然使
無訟于幸會之深敷陳罔既

賀黃守啓

宋仲山

寓直西清分符東蜀以曲從于懇請故特示于褒優
下車之初浹境昏慶伏惟某官得先天康節之學
俟後世子雲之知其無時而不宜蓋有本者如是被
召殆行于百里為郎僅及于六旬即當超遷乃復外
補介于石故能不終日良其背所以不失時適斯道
之固然抑遠民之幸甚某顧惟疎拙荐獲依承特蒙
惠問之勸益視調寅之義

熊子復

伏以九里餘波方藉寶鄰之比五雲奇彩遽蒙華牘
之貽仰以見于謙冲俯自憐于遲拙胎對序畫諾
顯城諒六大氣之順調有百靈之交護恭惟知府直
閣英姿挺出逸韻渾成師友淵源早紹家傳之粹儒
雅緣飾久推吏最之優自榮擁于守麾嘗特蒙于褒
望積書而連雲漢已通中秘之班聽履而上星辰位
筮內廷之列某昨祈閑散誤易蕃宣鄰州之號神君
秘聞異績紙書之賢從事曲奉好音尺緘聊附于回
翔寸抱但增于搖曳

賀趙守啓

趙公若

光奉殊榮寵移舊鎮江山偉觀還曩日之雲煙桃李
 餘陰話當時之雨露不特郡人之歌舞已聞江國之
 驩傳恭惟恩府判府龍圖吏部先生學濬淵源德新
 黼藻銀璫漢英華發天系之芳玉樹臨風儀彩動
 宸旒之鑒早逢異識丞展壯猷才綽冠于朝聯譽
 寢高于郎選出持使節戢姦之志于登車攬轡而見
 之游領郡符戀德之氓有卧轍攀轅而留者凡此循良
 之效本諸孝友之誠盖日吹伯氏之壘而時戲老萊
 之彩唯夙純于内行故特簡于上心江夏政成方以
 臧而奏課富沙地近以得請于便親旌麾列千里之

迎鼓吹聽十年之舊小兒之乘竹馬見并州德化之
 深夫人之御板輿倍潘岳家園之樂此人子至難之榮
 養為士大夫無極之美談想休聲益著于龍藩則平
 步徑躋于螯禁周姬姓封侯者五十既賴蕃宣宗唐室
 入相者九人當審升宥密側聆圭覲別有柄除某素辱
 知憐緬懷恩紀周鄭司農之推轂昔已賴于陶成周
 刺史之題與今復希于獎借何其際遇再此依歸耳
 聆千騎之南臨心若百川之東折其為贊抃曷既敷
 陳

賀王守啓

胡仁仲

光奉宸綸寵紆郡紱當教條之初下藹誥頌以驩傳豈
 弟所臨中和自致恭惟 某官性資忠厚器宇閎
 深經術通明雅擅河汾之譽文章綺麗遠追滕閣之
 風早躋巍科寢階撫任談兵清幕坐收樽俎之功佐
 刺緹屏亟上農桑之課鷄章剡奏熊軾疏榮分千里
 之顧憂豈勞游刃被十行之渙渥行趣賜環入覲清
 光平躋華貫某濫茲承乏獲遂依仁猥蒙賤翰之貽
 深情文之渥其于銘篆罔罄敷宣

賀唐守啓

陳君舉

九天雨露渙黃麻紫誥之寵恩千里雲煙藹綠水紅

蓮之佳氣室家胥慶福祿自來寸心方樂于鷹遷尺
 牘宜伸于燕賀恭惟 某官陶唐析派岷蜀儲英學
 海波濤浩錦江之萬頃詞林根柢屹劍閣之千峰望
 鵬路以橫飛指鳳池而峻陟主知固結宸惠至濃忽
 辭青瑣丹墀聊擁朱幡皂蓋判花墀上振相如揚子
 之芳塵夢草堂前躡逸少謝公之邁軌精神秋月談
 笑春風蜚紫馬之英聲埽蒼鷹之苛政家給而衣羸
 五袴年豐而麥秀兩岐未為商室之霖已沛潁川之
 雨禮旆東閣屢開北海之樽牲戒西門止用南陽之
 杖下車屬耳載路驩謠優為列城二千石之良先當

六十二疏之聽宜蒙天眷尤慰民瞻一札細書拜白
水真人之賜千金增秩繼黃龍循吏之民與星斗以
增輝覺湖山之動色祇恐縉紳之交存不容州縣之
徒勞朝廷已深知弱翁信將大用天子久不見賈誼
想亦深思某寄身鑪錘之間託迹幘幪之下喜而不
寐樂且有儀已幸營立成五月報周之政更期河內
申一年借寇之言

賀鄭守啓

張文饒

伏以荐膺明制易守藩符暫煩經濟之才俯就宣承
之地厭江湖之優逸臨闕塞之浩繁成命流行輿情

慰悅恭惟

某官神機淵靜

器

沈深學

洞本源不數

古人之糟粕文叅造化常先天下之英髦振藻書林
躋榮禁索道既行而志益勵位雖貴而色不驕多士
所以傾倒于下風高名以之暴白于當世進退以道
不易操于險夷卷舒惟時故冥心于欣慨果膺攸渥
還涉邃嚴鑿觀山河聊慰袴襦之望謀謨廊廟即觀
袞繡之歸某蚤以青衫列于絳帳今塵州序仍庇台
光頌王褒樂職之詩猶賢于童子賦魯侯采芹之頌
願比于諸儲儒瞻并載深敷宣固既

賀李守啓

鄭伯仁

仰膺鳳檢下綸綍于九重來鎮虎城歌袴儒于千里
議收歸恭惟先聲所暨云宜柄用之踐更時斂散以厚生投刀
若謹轉輪而調度攬轡慨然使節屢持守符存剖
豈弟素收于名望公忠自結于主知章貢澄清暫作
龜魚之主風雲際會行參鷓鴣之行某自顧鯁生尚
資鴻庇塗窮安往墻仞是歸雖無三語之能賴有二
天之託依芙蓉而泛綠水晚進何堪披雲霧而覩青
天此生何幸望塵伊邇引領尤深

賀任守啓

史伯鎮

祇奉詔音鎮臨寰服惟茲太未之里本實東陽之墟徒

馭從容宿舂糧而已至吏民企羨晝夜錦以何殊恭
惟某官學冠時髦望隆禁路言底可績皆膺合于
廟謨知無不為幾轍環于方域既登共理之最力丐
就閑之安豈容與世以兩忘果為斯民而再起望九
重之闕咫尺不違据四達之衢舟車相屬寶資材敏
以濟事叢諒游刃之何勞抑賜環之有漸某一違誨
益再閱歲餘心搖若旌幸奔走之少定地錯如繡復
庇庥之可依念披霧之未諧已遡風而懷想

賀傅守啓

熊叔雅

伏審鳳宸疏榮帝遣一麾之出龍津增煥神催雙劍

之歸休聲所同和氣自至竊以前輩作牧必先教化
之原近歲專城惟急貨財之務閭里欲消于愁恨廟
堂肆擇于循良蓋善政風流其故家猶有存者俾回
心向道非俗吏所能為之恭惟知府大人夫蘊藉醇
深規模宏博蔚有令望播于清朝佩刀久屈于回翔
簪筆合躋于華憲謂守紱乃人生之貴而親闈當日
養之嚴乃付便藩以煩其理雖地有溪山之勝而人
無衣食之餘連年每值于軍需下邑遂踰于法禁因
緣藉口培克恣情利源既竊于昏徒賦額仍科于編
戶吏姦如此郡計若何儻先傑黜之除即是撫摩之
要某早蒙異顧久隔光儀念孤蹤逢刺史之二天豈
非幸會然去期類京兆之五日莫遂稍留意嚮徒勤
詞訥言既

賀李守啓

鄭伯仁

肅膺芝檢榮鎮桐城分九重宵旰之憂當一面蕃宣
之寄帡幪所暨鼓舞无聞恭惟某官直道致身孤
忠許國早登華第歷踐清除擢為炳蔚之文豹變則
虎舒作陽和之氣鷹化為鳩全活幾千萬人利害非
尋常計氣槩激厲神明護持即身節以俱全宜褒嘉
之屢稱典農東浙方調斂散之宜司憲全閩已著平

反之舉累宣勞于劇部暫均佚于真祠顧泉南襟帶
之區實江左輔車之地祇求共理永屬惟良起謝安
于東山慰斯民望命申伯于南土付以邦條恩德在
人歡謠載路行播中和之頌大臻清淨之風上方有
為協濟中興之業公靈久外並膺廣內之求某曾忝
屬僚屢蒙溫盼適茲二局但望清神塵揚氏之宅一
區日依雲庇夫子之墻數仞心劇旌搖喜與愧并意
非言盡

賀韓守啓

張安國

繡纈畫戟占東藩鼓角之雄寶學玉文新廣內圖書之

直入謁尚趨于賓榻修辭敢候于齋鈴恭惟 某官
粹量淵停英姿山立學無不可標乎當代之偉人政
得其宜卓爾中興之循吏尺陞識尚書之履四方勞
申伯之藩留籥九扉已壯長江之險戈船下瀨還清
瀚海之波願疇外屏之勳遂贊西瀆樞之畫某逖違墻
仞多閱歲時大司寇之儀刑嘗拜家庭之賜小諸侯
之述職敢忘方伯之尊嗟問訊以成疏且懷思而未
報所祈宏度終諒微誠律管崢嶸和門整暇冀益綏
于純嘏亟趨覲于嚴宸

賀鄭守啓

何子建

此下有賦元鼎頌
張守啓

伏審沓奏封章工還機政忱辭莫奪春睿弗違冠秘殿
 之邃嚴宅名都之優秩高風獨振輿論有光恭惟
 某官博大疏明清忠端亮德備陰陽之和氣學分造
 化之全功發其淵源曄為翰墨富雕萬寶力轉千鈞
 喻游夏之不言寫淵雲之未賦達于政事祭芒刃之
 發矧服在廟堂粹陶鈞之播物蠻夷震疊華夏尊安
 倦鼎之久勞運天池而少息必當還慰蒼生之望豈
 非望注從赤松之游惟世所瞻有神克相某地寒寡與
 分薄數奇猥以窮苦之辭驟獲吹噓之力豈惟銘
 佩亦以激昂恩德未酬門墻寢邈傾餘照以長想撫
 孤根而自憐頌詠逾深情誠並竭

賀張守啓

林豈塵

伏審宸庭賦命候旬頒符厭承明禁直之聯冠章善
 清官之選朝士莫不相賀國人亦皆曰賢恭惟吏部
 待制行歸楷模智遠龜筮蘊玉粹金相之器蜚筆精
 墨妙之聲隆注想于冕旒聳觀瞻于簪紱諫垣密勿
 茂揚蹇諤之風禁橐春容益勵公忠之節惟國家共
 理以良吏故岳牧特用於詞人矧赤城本今古之福
 庭在于越為東南之佳郡如公有幾人者是行若登
 仙然伏想朱門畫戟之餘風用訪流水落花之舊跡

且雲龍久契固未忘北闕之心而風月相逢庶不負
南樓之興雖五馬乃人生之貴然雙鹿本公位之祥
豈鈴齊久對于高春宜鋒車早聞于趣台某從遊積
素潦倒自慙方著刺史之近除選得吾賢而大喜望
戟枝而睇遠想旆影以心搖桃李無言自有成蹊之
慕燕雀雖賤亦知賀厦之情苟富貴未必相忘則故
舊亦所不棄其于欣頌曷罄敷陳

賀龐守啓

鄭伯仁

伫膺鳳檢來鎮虎城民脫灰燼之餘政徯袴襦之美
先聲甫爾衆志翕然恭惟 某官命世真儒鎮時宿

德議論太平之根本猷為後進之規模延閣陞以直
奎壁圖書之秘外臺畀寵歷江淮飛輓之勤未替龍
光載分虎節眷貢章之筦籥實湖粵之咽喉守牧之
來老成是擇屬驕卒弄潢池之刃惟烝民皆沸鼎之
鱗士庶奔波隻身不保閭閻比櫛一炬無遺其餘唯
類之幾何跂踵以望所幸來蘇之在邇奠枕可期董
為慈仁撫此凋瘵顧已結知于九陛豈容卷澤于一
方棠芡初臨芝函已下某願惟綿菲託芘幘廷趨
斂一板之有期心喜搖旌而已極依芙蓉而泛綠水
晚進何堪披雲霧而覩青天黃緣有自

以風而知勁，顧惟劇郡既訖，外庸龍已升雲，乃眷攀鱗之舊，魚方縱壑，更逢激水之寬，諒在過歸，即膺巨用，澆瓜為惠，坐令一境之安，采菲不遺，更荷五雲之及。

賀馬守啓

王季高

伏以千里廣輪，久徯惟良之任一時，賢哲驟膺陟拜之榮，渙宸命以維新，釋民情之所望，恭惟某官性函方重，鑒裁清淳，謀謨濁世之南車，聞望士林之北斗，絲綸有韞，素推江左之才，轉變不窮，孰論吳中之敵，負匪倫之踐，操未盡展于猷，為方宵旰之憂，民寄

龜章而作守，滿城和氣，皆袁扇之披揚，闔境歡聲，賴范襦之衣被，即還巨用，豈久外更，某竊仗輝華，喜旋里燕，必恭之禮，未容望履，以修誠來暮之歌，徒獲與民而同頌。

賀趙守啓

趙承之

誕揚明制，易鎮雄藩，中二千石以寵守，臣肆大開于矣，社方七百里而封同姓，抑用壯于宗盟，盛德所加，傳聞相慶，恭惟某官學通閩奧，識鑒幾微，子產仁心，非有期于輿誦，荆州清德，本無意于人知，自簡記于宸衷，謹發據于賢蘊，惟章貢控臨之會，當兵民

冠宄之餘宣乃王靈嘗假中權之節疆之戎索遂夷
 窮徵之風逮改畀于名區臣始旋臻于樂土牧養以平盜
 賊遠符渤海之良規簡易以便吏民近追清獻之故
 事方朝論聳觀于奏課適江城在遶于擇人四國于
 蕃爰取功能之效諸姬為近允惟休戚之同居人雖
 鬱于去思行道已謠于來暮第虞詔紫不待突黔某
 自處泥塗莫窺星漢夙幸聯于子姓晚將列于附庸
 誦葛藟之詩庶遠斧斤之患望蓮花之府實同燕
 雀之歡

賀董守啓

趙承之

簡自淵衷起臨巨屏吏民拭目以改觀父老扶杖而
 拜恩謂明詔圖任舊臣方咸登于衆正而上意不忘
 遠俗乃加惠于一方必有霈然膏澤之施不惟因于
 文法之故恭惟 某官天才絕倫國瑞應時過庭而
 克世其家立朝而無出其右主盟文教傳舊學于北
 方尚論循良還淳風于西漢密勿代言之地從容次
 對之班道格君心之非辭鼓天下之動賢者在位豈
 徒潤色之功近臣盡規實罄論思之益建名高而衆
 媚久身退以時潛坐觀夸者之死權竊歎貧人之敗
 類鯨吞蠶作曾砥柱之不移露廓雲披見景星之獨

出乃眷名藩之寄姑惟舊物之還鳳方下以覽輝驥
暫馳而歷塊江湖都會雖地望之非輕廊廟遠圖豈
聖時之易得灼知廷告不待政成某孤學以疏微生
且後誦名臣之事業殆若神人想前輩之風流莫傳
師友願以附庸之列爰依大府之光瞻董相之下惟
徒仰諸生之幸從望公而慶朔上倍陪下吏之榮

賀張守啓

宋文淵

伏以軺傳一封暫弭觀風之軒蓋金城千里載觀作
牧之威儀日聞綸誥之揚庭偶奉檄書而訊獄一清
叢棘三閱堦藁遂令萍梗之蹤不達芝蘭之室退惟

驚鈍竇負凌兢恭惟 某官志烈秋霜教行時雨篤實
輝光新其德仁義禮智根于心爰撫清時勉摠素業
蘭江共理夙隆二千石之權荔浦循行殆歷三十州
之壤涼涼想聞于風采皇皇綽有于光華暨當雲陞
之掄材復歎星沙而將漕承命以往志宣激濁之威
直道而行欲抗引嫌之疏既聞丹宸爰動清衷榮膺
一札之溫言寵易三刀之重寄式臨長廈誕布寬修
穆穆仁風恩已揚于羽扇遲遲化日愛常滿于棠陰
僉言豈弟以宜人咸詠中和之樂職任觀環召亟踐
金門伏念某雖學為箕未能製錦徒耗太倉之粟銓

抄三ノ一

乖貳政之謀幸托併蒙庶逃瑕垢俯暉暉鴛鴦恭事大
夫之賢仰冀龍門倘異衆人之遇

賀夏守啓

鄭願道

伏以昔持金節榮膺使指之權今握竹符重領侯藩
之寄帝心簡在物論允諧凡屬統臨率從鼓舞惟上
饒之名郡實江左之奧區珠玉駢聞桑麻藩衍江山
秀發風俗醅深逮夫比年以來不可同日而語軍儲
星急穀價日翔比屋剝膚莫應誅求之急群山劓腹
絕無粹美之珍適丁旱暵之餘兼值瘡痍之後編民
困弊敝屬邑彫殘如脫沈疴尚有呻吟之苦若保赤子

正須鞠育之恩誕降明綸式煩良牧恭惟 某官器
宇宏博崇博雅博高明文為儒者之宗識通天下之務去
就關人才之得失用舍繫朝廷之重輕早簡上知寔
更要任當五百年之名世出贊昌期執二千石之重
權獲觀善政六條初布千里爭馳威寒吏膽清而
聲疾雷霆化洽民情而恩濃雨露若水之精嚴為
治比德猶慙子元之決遣如神論才尚小匪賢刺史
孰能與此雖古循吏何以加諸第虞休譽之上聞行難
借寇正恐丹書之下逮仁見徵黃用資作礪之求式
慰為霖之望將使萬方之被澤 豈惟一介之蒙休

掛芳大全

矧此孤蹤獲依巨庇伏念某箕裘素業韋布晚生鄉
老薦書嘗竊叨于首選賢闕較藝繼母玷于上游數
移絃誦之春秋孰厭蘊益之旦暮屬虜寇猖獗之際
當國步艱難之時義士痛心忠臣扼腕詔音懇切大
興籌策之科士氣奔騰樂赴功名之會競陳謹直爭
吐英奇遽叨武弁之光翻笑儒官之誤三年戎幕幸
脫身虎口之中十載書林恥投迹龍門之下念難淬
詞鋒而再舉誓將攻筆陣于萬全奈家徒四壁之空
及門有偏親之養歛版一官之列知我者天折腰五
斗之間為貧而仕顧惟孱瑣尚冀矜憐矧居桑梓之
邦親被袴襦之化拭目快爭先之觀頃耳聞來暮之
歌敢陳不腆之詞辭以冀非常之遇鷓鴣有託已幸遂
于巢林燕雀何知庶獲伸于賀厦成文狂斐竝命驚
皇

己巳二月初九日校於靈泉古寺

聖宋名賢五百家播芳大全文粹卷二十二

賀張守啟

耿元鼎

恭審上憂澤國嘉善政之去思公輟臺城撫舊邦而
來蒞銅魚好在慶泐一時竹馬交迎春回千里諒惟
歡慰惟時制部有古吳門冠黃閣三輔之雉森畫戟
千兵之衛偶屬稽天之浸徧為卷地之橫流衆雖
免於葬魚饑已聞於掘鼠軫當宁焦勞之念欲無翳
桑之餓人思襄時惠愛之風必假甘棠之台伯壺丹
溢道肅鼓閨城恭惟某官負廊廟之才鍾海嶽之
氣臚傳第一運協當千翱翔乎道家之山揚歷乎列
宿之舍始直筆立螭吻之下俄屬車從豹尾之中詞

妙判花真鳳閣舍人之樣筆精入木掩鵝經內史之
書何暫厭於京師遂一麾於湖海左司燕寢方勝五
袴之謠留守麟符忽典千門之翰見夷吾於江左出
裴度於山南晉室何憂唐宗久悟適奉潘興之樂未
皇墨突之黔欲合浦還珠請返孟嘗之治若遼東化
鶴恍驚丁令之歸諒繼袞袞趣齊柄用元津涯若涉
大水流離罔動於浮言雖飢饉必有豐年裕足不難
於反掌某考書下下論止平平蚤望履於洪都嘗騰
緘於范苑茲緣屬邑始遂登門欣盛事之播聞欲中
宵之起舞旗旌在望願先覩以為榮袞繡趣還慮莫
諧於承芘其如欣抃罔罄敷陳

有非
卷二十三

不同

聖宋名賢五百家播芳大全文粹卷二十三

賀啓

太守

賀周守啓

孫正之

伏審傾北海之尊嘗分光於一日擁東方之騎亦均
覆於二天眷幸會之非常喜餘生之有託恭惟某
官先賢世胄今代人豪公理謹之英烈尚存伯仁之風
流未泯百年垂裕千里蒙休輟神館之清資付專城
之重寄羣兒爵躍已大喧騎竹之迎一老龍鍾猶能
進拔薤之隱即諧瞻拜但切欣愉

賀江守啓

邵懷英

伏審丐便親闈就臨郡綬優遊戲彩絲無道塗數舍之
 勞寬大頌條有井邑連墻之便益特隆於簡注容自
 遂於懇私卧鎮之初歡謠載洽恭惟 某官才周物
 表文擅國華丹宸赤墀自結知於明主紫薇青瑣殆
 歷試於華途迺退託於陔蘭更戀瞻於鄉梓囊封屢
 上彌執敬養志之求宸翰載頌特畀專城之養山川不
 改閭井如歸指止水之舊游動旌旗之喜色某昔嘗
 瞻望今復親依賈誼奏篇叨與刪修之末齊風報政
 佇觀課最之光禱頌攸深叙陳曷既

賀胡守啓

伏審顯陞內閣申總邊城迭聽慶音良深抃悃伏惟
 某官懷材贍敏稟質忠純早馳當世之聲猷果契
 有為之事業虎韜豹畧師行樽俎之間鐵瓮湯池勢
 逼羶裘之外遠夷嚮響動黠虜氣殫峻峻功因儒帥之謀
 寵數協士林之望某方修慶禮遽辱謙滕遐企麾幢
 第勤心目

賀遊守啓

王德立

十行鳳詔起謝傳於東山千里虎符屈召公於南國
 何幸儒業之復用庶幾民瘼之必瘳道之將行喜而

不寐恭惟 某官天民先覺王國者英隱然寔大以
聲宏凜若芒寒而色正高明之學孟荀真王者之師
康濟之功伊尹乃聖人之耦早逢熙運徧歷華途大
節堂堂不為霜雪而改操丹衷皎皎殆與日月以爭
光中心不動於一毫外物何憂於三黜顧陞辭之已
久注宸眷以彌隆果奉綸言亟分侯服矧楚尾吳頭
之地據閩商粵賈之衝觀閣鱗差江山秀列凡領承
宣之寄無非偉傑之才帝曰汝諧卿為朕往光聲所
至草木已知於威名和氣頓回桃李爭妍於春色擁
雙旌而肅引騰五袴以謹謠岳牧止用於詞人遠邁

唐朝之故事刺史入為宰相行看漢札之新頒某遠寓邊
陬欣聞郵命願埽門而莫及悵賀厦以無階五馬贊
書可慶人生之貴雙魚委質輒修堂下之恭慶抃交
孚敷宣罔既

賀梁守啓

孫仲益

四海聲名夙著儒宗之望一時人物獨高政本之科
方資共理之求允屬承流之寄恭惟 某官勞謙下
士居簡臨民明哲王之蓋臣豈弟古之循吏擁東方
之騎已大慰於遐瞻憇南國之棠宜少留於高躅睹
二天之風來溢千里之春聲自憐投老之餘獲在容

揚州府志

光之地繫大賢之高致奚棄先游廁賀客之下寮自
慙末習

賀張守啓

范西叔

竦聞譽命先奉恩綸解印陝郊作藩楚服伏深慶慰
恭惟某官學通今古識際天人遇事敢為直躬無
愧風生芸閣皆名理之談鶚立霜臺有忠義之色恥
遂容身之計勇為去國之行列郡澄清蕭然虛囿斯
民饒富浩若流泉俯臨大國之封遽報暮年之政益
隆宸眷更守名邦浮鷁清湘聊適江湖之興懷鉛紫
禁行追翰墨之游某猥以塵蹤竊攀英躅石渠舊事

歎從官之飄零銅虎優恩期望風於彷彿方謀命駕
先辱飛騰竚申伏謁之勤少慰叙陳之願

賀韓守啓

葉之望

黼座疏恩朱幡出鎮輟元侯之千乘布溫詔之十行
人望翕歸玉靈甚渥竊以閩邦勝壤建水上游自昔
揚州之故區上直星紀之分野江山如畫列武夷之
洞天地望最雄控東甌之襟帶密邇九重之行殿宛
同三輔之陪京自非五百年名世之流曷稱二千石
惟良之選恭惟判府左司直閣智周物表道覺民
先吏部文章擅二百年之聲價荊州風采過一萬戶

之侯封傳家獨擅於典刑入仕早符於際過險夷歷
試中外踐更旋躋宰屬之榮繼寓秘圖之直持荷簪
筆盍處禁嚴擁燾建牙暫司屏翰蓋聖朝之重外本
守臣之得人先聲初下於斗南和風頓回於閩嶠京
師蒙福已觀郭伋之行朝廷深知即慶弱翁之召某
劍津賤士錦里負丞慕義何啻於十年庇身幸佐於
百里槐松對植敢矜除水之鳴荆棘雖微亦翼慶雲
之覆恢胎在候景物漸舒仰旌旆之在途擁休祥而
來舍胸懷所蘊筆舌難窮

賀宋守啓

朱子履

伏審光膺鳳詔榮剖虎符見一人眷倚之隆為千里
生靈之福吏民交慶遐邇均歡恭惟 判府朝議神
清氣和量洪德厚儼日角珠庭之人物傳瓊盃玉罕
之家聲早拔周行茂膺異眷踐更中外之文備見設
施之良分麾已報於政成上計亟聞於詔可存領承
宣之寄用分宵旰之憂浙水雲愁人結去思之恨閩
山風動衆興來暮之謠將聆精騎之戒塗竊恐絲綸
之促召入綴鴻鴻之列即依日月之光某濫藉官聯
素餐屬邑託二天之比望有甚於雲霓賀大厦之成
情豈勝於燕雀

賀程守啓

朱顯叔

輟從祠部更殿侯藩上知甚明物論斯快凡賴帡幪
 之庇尤深抃躍之誠仰惟 判府徽猷道德淵源文
 章宗伯迴狂瀾於學海聳巨幹于儒林偉程氏之家
 聲為伊川之名世典刑具在風采凜然雖擁蠹建牙
 易司屏翰而持荷簪筆將處禁嚴藹輿頌之甚休慶
 邦人之攸繫某江湖冷族章句腐儒側聆綸綍之頒
 屬在部封之末將諧望履欣遂執鞭願仰拜下之儀
 式慰仰高之僚諒旌麾之所指宜神物以來持倍擁
 殊祥允符瞻詠

賀葉守啓

許仲賢

暫違省掖出守淮壖阻奉訊音積馳係想伏惟 某
 官富有道學奮為人文直前疑危自信剛大三已而
 無愠色是有子文之仁四十而不動心真得孟軻之
 勇行聽嚴召用副衆言某先沐芳滕第深愧感

賀王守啓

陳師孟

睿主勤賢思得人而共理宣侯體國即拜命以承流
 久傾慕藺之情茲快識韓之願恭惟 判府提舉中
 大器資博大材術優長浴德澡身外絕可磨之玷泣
 官行法中懷以直之忱剛將使指以觀風肅豪強而斂

迹宸衷簡在儒術盛行當運開千載之期享人生五馬之貴才應鳳皇之瑞名彰鸛鷺之行尚枉朱輪貯翻紅藥某磨鉛策鈍竊食偷榮隱居以求幾欲栖蹤於少室為貧而仕頗慙尸位於藍田何期苦節之踈頑獲倚甘棠之蔭樾欣然有喜言之不文虔修燕賀之誠俟遂鳧趨之幸瞻依政切敷叙莫窮

賀薛守啓

蒲子復

伏審光膺帝渥寵寄侯藩乃江浦之奧區寔京華之近地自頒綸綍喜溢搢紳恭惟判府右司德望俱隆才華甚茂夙抱孔周之學出逢堯舜之時簡在淵衷屢躋顯擢優居星省徊翔久歷於歲時出奉虎符平理尚資於德政用副九重之意計安千里之民使無歎息愁怨之聲宜有和易優柔之化但郎官上應列宿咸仰循良然刺史入為三公佇觀褒顯某自惟寒賤久辱眷知聞除命之遽既傳激愚衷而倍喜敢憑竿牘輒伸燕賀之私遐企門墻徒極斗山之仰其為贊詠固罄敷宣陳

賀曾守啓

張守道

屈臨藩方小試才具視印章於剛日下條教於遺民父老交歡士友同慶恭惟某官才華世濟學術家

傳博涉古今久擅搢紳之譽踐揚中外且膺廊廟之
知未究遠猷姑從祿仕雖淮西之偏郡寔江左之上
流疆場救寧政假綏懷之畧瘡痍未復尤資惠愛之
恩想耕桑之業俱還而襦袴之謠並起班春擲簡追
健筆於東坡瀝酒叩舷弔英姿於赤壁一洗積年之
沉滯未妨他日之騫翔佇治最之上聞即華塗而入
踐某久叨事契每歎淹回逖聞下車殆將折屐莫遂
門闌之慶首貽竿牘之榮欣幸之私數言罔既

賀梁守啓

趙承之

顯膺成渙易鎮近藩左史記言暫輟論思之益大邦

維翰寔分憂顧之勞盛德所加傳聞相慶恭惟 某
官遠猷經世雅望映時上林子虛秀發岷峨之氣春
秋洪範相傳父子之書方公道之恢張首衆賢而召
見紉文虎觀遍觀四部之新載筆螭坳曲盡三長之
妙密勿公言之地從容侍從之班敢意江湖獲瞻鸞
鷺淮陽暫屈在汲黯以何傷馮翊既更抑望之之將
用矧乃賜環之意兆茲換節之榮坐愛恐憇崇不容暖
席某晚生墻面孤宦臣陸沉想前輩之風流莫傳師友
誦名臣之事業殆若神人乃當大府之開環廁附庸
之列行其少學雖莫逮於絃歌奉我寬條尚不專於

掛榜大令

刀筆

治中

賀王倅啓

虞智周

伏審光膺渙號榮貳雄藩涓日之剛已諧洗視順風
而請深切依歸恭惟 某官韻宇儲崧高文倒峽智
能周天下之事書不工紙上之言入碧海掣鯨鯢其
已久矣上青雲跨騄駼尚且遲之姑倅貳於郡符已
喧騰於朝望山川改觀風月平分千里題輿寧久屈
屏屋之駕九重側席將促近北辰之居不待突黔即
膺泥紫某質顛性窳才散慮踈偶濫竊於儒科顧繆

當於邑寄傷多製錦冥有索塗才已置於一同考請
下下仁鼎依於半刺喜溢津津影欲避於雁行履敢
稽於燕賀屬緣掌綴莫獲親承貢彛禮於緘滕願願慙
柔訥邈餘光於墻仞第劇戰兢冬律向道寒氣尤力
敢句節宣之喜善茂迎戩穀之繁心曲所期筆端奚竟

賀陳倅啓

虞智周

伏審祗承休命榮貳雄藩千里庇休一時鼓舞恭惟
某官方行以峻德粹而溫精窮學問之淵源自立文
章之機杼酬酢世變以時中之義混融天理於日用
之常首善京師夙光壁水同流王化來駕屏星姑試

題輿即膺前席居之無幾暫遠城南尺五之天進也未央將到蓬萊方丈之地某質頽性窒才散慮踈偶濫竊於儒科顧繆當於邑寄歲縻月費甚慙鼠竊於太倉晨入暮歸第見驅馳於空隙雖弊筋力何補毫毛會逢賢德之鼎來尤慶微蹤之有託何其幸也將披宿霧於公堂又有甚焉願借餘波於君地寸心所蘊尺牘奚周

賀襲倅啓

晁子止

紫詔疏恩倚諸老先生之重黃堂貳政膺治中從事之榮凡庇餘光舉深抃素竊以朱幡皂蓋承宣雖寄

於專城泥軼緹屏閔決是繫於別駕矧邛山之舊地號蜀土之名區筦榷浩繁簿書紛委不有耆英之望孰資政理之良恭惟某官道會性天學優聖域圓明妙湛契古佛不傳之心變動周流窮伏羲未畫之易踐揚撫仕藹著能聲暫淹持橐之榮茂對題輿之寵濁賢清聖舊聞隱吏之風流白叟黃童尚識故侯之面目佇瞻旌旆仰託幃幪某庇職無能以身得察莫從候吏躬負弩於前驅行與諸生俱執經於函丈其為欣抃罔究編摩

賀魏倅啓

周行可

疏恩玉殿半刺金城邸報所傳輿情惟愜况併蒙之
所逮尤鼓舞以知歸恭惟 某官器畧宏深風猷秀
整凡周旋當世之務皆從容適時之才當宁眷隆欲
共濟中興之舉題輿望重姑試觀閔決之能歷數前
世之英雄多由此塗而施設矧茲潮郡自昔瀛州嘉
禾宛然韓昌黎之舊德豐碑屹若陳文惠之高風允
藉鴻才庶攀懿躅頴方自露展驥足為海隅席想未
溫來鳳書于日下顧茲凡品幸屬下風特遂鳧趨預
深雀躍

賀王倅啓

楊成功

芝封紫誥久傳半刺之除魚置尺書莫展一言之賀
况江山之有間望履焉以無因仰德滋深撫躬積愧
恭惟 某官識該今古學貫天人早空蟾窟之枝旋
浴鳳池之浪盤根錯節知投刃以皆虛聳壑昂霄遂
干雲而直上即見題輿之譽遠追康海之功計未席
溫已聞詔入某鼠窮易見鉛鈍奚堪昔已幸於登龍
行復欣於附驥謹同百姓再興來暮之謠更冀一身
獲賴存全之惠春規邁暮德宇夔遙伏祈上為朝家
善綏福履其為頌詠曷罄敷陳

賀饒倅啓

李知幾

仰膺宸檢半刺侯藩惟茲舉國之公評允屬題與之
重望先聲所暨衆志攸歸恭惟 某官學術淵源天
資醞藉聲名聳播紳先生之觀議論有君子長者之
風當年芹泮之師儒漸摩有素此日棠郊之別乘閔
決尤長坐席未溫召函已促某鯁生何幸鴻庇是依
將遂鳧超尤深雀躍

賀張倅啓

鄭厚

仰膺成命半刺巨藩贊美政於中和試長才於闕決
先聲所暨公議攸歸恭惟 某官學有家風才推國
器用無施而不可治所至而有聲望重題輿試展夷

途之驥足眷隆當宁行陪禁掖之駕行自顧萍蹤行
詹芝宇

賀李倅啓

何子固

公朝重外聖主憂民輟樞府之要津貳海濱之遠郡
先聲所被闔境交歡伏惟 某官學術深醇文詞典
麗詩書傳美風高翰苑之風華萼連芳繼擢詞科之
貴橫身學省提槩道山涵器業以加修養聲名而益
廣顧時方右武徒誇述作之工雖地峻本兵猶滯編
摩之職謂當迅用更此外遷諒無暖席之安即被賜
環之寵某榮同解褐進類簸糠從伯仲之游幸朝鸞

之接武申子孫之契喜別乘以同僚將蒙刺於剗裁
庶偷安於嘯諾米盞不給老子之興無多風月何殊
賢者之樂有待其為忻幸難具敷陳

賀諸葛倅啓

熊子復

伏審中䟽一札外贊六條以卧龍宗派之華由展驥
仕途之捷雖仲舉明經別駕未愜壯懷然武夷陰護
曾孫仰駐仙境恭惟 通判寺丞世傳令德身負奇
才卿士升司徒掇褒然之舉首國子入太學掀藉甚
之能名屬睿智之有臨憫文獻之不足使謁者而求
遺書於天下得先人所藏古文於壁中悉送上官皆

充秘府既助興於縉典宜祇奉於渥恩驟逢特達之
知早免徒勞之任入聯棘寺法推廷尉之平出貳棠
郊政持刺史之半龍檢即聽於嚴召鷓行更覩於榮
登某鄭校小生梁園下客栖栖者非為安也誠慕是
邦之賢大夫休休焉寔能容之願進吾黨之狂小子

賀連倅啓

鄭元嘉

伏審雲外鳳書光被九重之渥湖陰泥軼榮分半刺
之權涓日頌條順時宣化伏惟慶慰恭惟 某官先
生才猷敏劭聞望高華秀氣逼人飄逸一枝之桂冲
懷洒落汪洋萬頃之陂允矣棟梁之材温其瑚璉之

器茂承睿眷踐歷要津姑藉盛名暫題輿於方面推揚茂績終持橐於禁林德業定期於遠圖功名蓋出其餘事某祖本移澗身生益陽徒知誦詩而讀書未能出囊而脫穎敢言萍蹟濫玷宗盟欣承視印之初倍切懼心之積賓墀稱賀已瞻大厦之成黌舍偷生全恃慶靈之庇

賀王倅啓

李子西

伏審詔下^仰邊逖聽^疏恩之渥邦臨湖右咸瞻半刺之榮光耀播紳懽傳道路恭惟通判學士行應人傑才稱世師清節照時注玉壺之沆瀣高文華國垂金薤之琳瑯暫淹展驥之馳終副佩刀之贈無施不可所至有聲恐未及於下車已別聞於出綽某顧慙樗質繆綰銅章比從^仰報之傳亟動心旌之喜晉卿愛日將遂借於恩光少室景星行可期於快覩江鄉歲晏門館天遥倍希^尊道^善之宜益厚穆清之眷茲焉抃頌無以喻云

賀襲倅啓

史鴻漸

伏審制出中宸通虎符而共守權居半刺展驥足以猶淹除目初傳輿情胥悅恭惟府判學士心澄玉海學富金籙大策高文昔^貴貢都城之紙仁恩善政而

陰召伯之崇尚虛持橐之班俯就題輿之任未溫坐
席行趣歸裝某樗櫟散材蓬蒿倦翼識迷朱墨敢辭
簿領之勞目極雲天即仰幘幪之蔭迹阻匏瓜之繫
心馳燕雀之誠忻喜載懷名言莫既

賀范倅啓

費原父

伏以芝緘疏寵榮膺別乘之除泥軾臨民爰貳价藩
之重傳聞攸暨忻懌惟均伏惟通判學士閎識會
元英猷體遠早飛英於桂籍旋振武於花封物情曲
衍而周知吏事彌精於緣飾雖兼長之屢試亦素蘊
之未摠刺史題輿俯慰一圻之望侍臣侍橐行陪三
接之榮某仕也為貧師哉何補幸瓜期之甫及望宇
蔭以猶賒歲律崢嶸物華婉晚願謹節宣之理益崇
頤衛之宜忻頌之私敷陳奚究

賀虞倅啓

崔子淵

中疏一札外贄六條泥軾來臨動溪山之秀氣譙城
相慶載道路之歡聲伏惟某官氣宇靚深性資渾
厚躋飛敬於華旦荐騰踏於夷途別駕辟於陳蕃暫
屈雲霄之步宣室思於賈誼佇承雨露之恩某自昔
聞風尚遲識面將繡衣之直指甚愧非才啓白絹之
斜封益欽厚意

賀張倅啓

熊子復

伏審䟽榮宸檢閱決藩條喜催龍劍之還愧枉魚緘
 之貺竊以廬陵送行於北固詠江山之最嘉眉詠陽得
 侶於西湖謂風月之分破恭惟通判朝議受才膚敏
 造理精微波瀾文自老成綠飾政皆儒雅題仲舉之
 座方著於令名賜建武之書即膺於嚴召某猥叨郡
 寄稔聽鄉評所求乎先施未能週勤妙語匪報也永
 以為好用贅鄙詞

賀胡倅啓

周茂卿

伏審光膺宸檢榮貳藩條方閱次以及期即涓剛而
 赴治凡居按察預切欣愉恭惟 府判判院學有淵
 源文知禮體要自偶休明之運已深簡在之知錯節盤
 根迎刃而解良金美玉為世所珍覺富貴之逼人付
 功名於餘事乃眷梅仙之境暫丞竹使之符治優贊
 于循良政每資於閱決預慶偏州之蒙福咸欣半刺
 之得賢然州縣徒勞人寔久淹於外補而台相先遠
 業行即慶於褒除某賦性凡庸受材嵬瑣雖便便而
 唯謹徒斷斷以無他濫綴官曹叨為邑佐自始聞於
 成命尅切倍于歡悰燕集雕梁已有依棲之便馬居
 華廡尚希眄睐之私願伸拜下之儀式慰仰高之儀

掛

諒旌麾之所指宜神物以來持倍擁殊祥允符瞻詠

賀王倅啓

朱廷珪

榮貳使車光分鄰境假符刺舉寔瑞表于郡寮贊職
蕃宣迺同流於王化風靡所暨驩誦載颺伏惟欣抃
恭惟 某官植德粹溫受材明敏譽高華胄惟有之
是以似之業紹真儒在賢者識其大者聊摠底蘊式
著翺翔允敷惠於一方即飛英於百越肯從別乘無
煩題仲舉之輿使處治中行見展士元之驥未遑煖
席應有除書某叨守邊陲匪遙賓祀木就繩而金就
礪阻切奉于良規石韞玉而水懷珠願少希于餘潤

瞻依有素取述奚殫

賀韓倅啓

趙承之

光膺睿制榮貳雄藩屈遠步於再臨任雖圖舊聞餘
風而相慶命則維新恭惟 某官厚德在民高名映
世青箱肄業有七相五公之傳黃卷策勳必三代兩
漢之作早注虛懷之眷屢宣寔試之勞乃以別車荐
更名郡恩波所浸江湖猶記於昔游遺愛宛存父老
能談於故事雖用賢之未盡抑重外以為深坐觀海
沂之康立還宣室之召某塵埋俗駕景仰下風濫陪
墨綬之行獲奉屏星之耀靈河布潤尚沾九里之餘

大厦告成與有千間之慶

帥司屬官

賀王參議啓

洪廷卿

伏審中疏華渚外贊雄藩徒御鼎來猶未披於樂霧
緘滕驟至乃先拜於卣雲士林交歸帥閫增重恭惟
參議直閣受才傑異造理精微故家台輔之榮世
臣非謂喬木早歲甲科之擢學者仰如泰山共知冀
北之空猶歎周南之滯閩包七聚率總十連佐方伯
而領諸侯暫^平婉畫媚天子而維吉士佇侍禁途某
猥被使令獲聯執事切慰仰高之久尤欣借潤之多

賀黃參議啓

林少穎

顯奉宸俞密參帥畫聞鳴騶之載路覺制閫之增輝
恭惟 某官識度高明器資宏廓早被聖神之眷屢
更中外之勞茲膺簡迪之求來助撫綏之政庾公之
在幕府實為王儉之光昌黎之從辟書姑以中立之
重佇聞環召入踐禁途某久仰高風欣聆新命貽書
見及夫何自牧之謙修謁未遑第深不寐之喜

賀謝參議啓

林少穎

疏恩外閫密叅籌畫之奇抗^總修塗行遂瞻依之幸
先聲所暨輿誦惟均恭惟 某官沈靜有謀詳明知

務無施不可用屢試於盤根所至有聲固已恢於餘地尚淹時望來贊帥藩以優游帷幄之中畧其期會簿書之事益觀涵養佇即召除顧馳慶之未遑辱飛緘之先逮載惟謙眷良激感悰秋律方深涼颺浸肅冀此寢興之節式符企詠之私

賀劉叅議啓

林少穎

肅奉宸恩榮叅帥路先聲所暨輿論攸歸伏惟慰悃恭以叅議智通幽顯識洞古今高名聳乎搢紳遠謀見於樽俎顧聞風之已久嗟識面以何遲方欲修誠遽蒙捐翰驅馳原隰尚有阻於披雲引領旌麾即當求於發藥益增傾向罔既敷宣

初九夜極於清池院

聖宋名賢五百家播芳大全文粹卷二十三

番芳大

卷二十三

九